

昭明詩選

共四冊

38001
共4冊



選詩卷上



戰國

荆軻

歌一首

燕太子丹使荆軻刺秦王丹祖送於易水上高漸

離擊筑荆軻歌宋如意和之曰

風蕭蕭兮易水寒壯士一去兮不復還

漢

丁

歌一首

高祖還過沛留置沛宮悉召故人父老子弟佐酒
發沛中兒得百二十人教之歌酒酣上擊筑自歌

曰

大風起兮雲飛揚威加海內兮歸故鄉安得猛士今
守四方

韋孟

諷諫詩一首

孟為元王傅子夷王及孫王戊戌荒淫不遵道作

詩諷諫

肅肅我祖國自豕韋黼衣朱黻四牡龍旂彤弓斯征

撫寧遐荒總齊群邦以翼大商迭彼大彭勳績惟允

至于有周歷世會同王赧聽譖寔絕我邦我邦既絕

厥政斯逸賞罰之行非由善本王室庶尹群后靡扶

靡衛五服崩離宗周以墜我祖斯微遷于彭城在予

小子勤嘆呼厥生阨五臣此嫚慢秦耒盧耜音斯耕

悠悠嫚秦上天不寧乃眷南顧授漢于京於鳥赫有

漢四方是征靡適不懷萬國攸平乃命厥弟建侯于

楚俾我小臣惟傳是輔矜矜元王恭儉靜一惠此黎

民納彼輔弼享國漸世垂列於善本後乃及夷王剋

奉厥次五臣咨命不永惟王統祀左右陪臣斯惟皇

士如何我王不思守保不惟履冰以繼祖考邦事是廢逸游是娛犬馬悠悠是放五臣本作田獵是驅務此鳥獸

忽此稼苗蒸民以匱我王以媮俞所弘匪德所親匪

俊唯囿是恢唯諛是信踰踰諂夫諤諤黃髮如何我

王曾不是察既藐魏下臣追欲縱五臣作樂逸嫚慢彼顯

祖輕此削黜嗟嗟我王漢之睦親曾不夙夜以休令

聞穆穆天子臨照下土明明群司執憲靡顧正還由

近殆其茲怙五臣本作怙茲嗟嗟我王曷不斯思匪思匪監

嗣其罔則彌彌其逸岌岌其國致冰匪霜致陸匪慢

瞻惟我王時匪不練與國救顛孰違悔過追思黃髮

秦繆五臣作穆以霸歲月其徂年其逮者荀於鳥赫君子

庶顯于後我王如何曾不斯覽黃髮不近胡不時鑒

李少卿

與蘇武詩三首

良時不再至離別在須臾屏營衢路側執手野踟躕

仰視浮雲馳奄忽互相踰風波一失所各在天一隅

長當從此別且復立斯須欲因晨風發送子以賤軀

嘉會難再遇三載為千秋臨河濯長纓念子五臣作別悵

悠悠遠望悲風至對酒不能酬行人懷往路何以慰

我愁獨有盈觴酒與子結綢繆

攜手上河梁遊子暮何之徘徊蹊路側悵悵

五臣作悵悵

不能辭行人難久留各言長相思安知非日月弦望

自有時努力崇明德皓首以為期

蘇子卿

詩四首

骨肉緣枝葉結交亦相因四海皆兄弟誰為行路人

况我連枝樹與子同一身昔為鴛與鴦今為參與辰

昔者常相近邈若胡與秦惟念當離別思情日以新

五臣作已鹿鳴思野草可以喻嘉賓我有一罇酒欲以贈

遠人願子留斟酌叙此平生親

黃鵠一遠別千里顧徘徊胡馬失其羣思心常依依

何況雙飛龍羽翼臨當乖幸有絃歌曲可以喻中懷

請為遊子吟泠泠一何悲絲竹厲清聲五臣作音慷慨有

餘哀長歌正激烈中心愴以摧欲展清商曲念子不

能歸俛仰內傷心淚下不可揮願為雙黃鵠送子俱

遠飛

結髮為夫妻恩愛兩不疑歡娛在今夕嬾婉及良時

征夫懷往路起視夜何其參辰皆已沒去去從此辭

行役在戰場相見未有期握手一長歎淚為生別滋

努力愛春華莫忘歡樂時生當復來歸死當長相思

燭燭晨明月馥馥秋蘭芳芬五臣作芳馨良夜發隨風聞

我堂征夫懷遠路遊子戀故鄉寒冬十二月晨起踐

嚴霜俯觀江漢流仰視浮雲翔良友遠離別各在天

一方山海隔五臣作中州相去悠且長嘉會難兩遇

歡樂殊未央願君崇今德隨時愛景光

班婕妤

怨歌行

新製齊紈素鮮善作皎字潔如霜雪裁為合歡扇團圓似

明月出入君懷袖動搖微風發常恐秋節至涼飈善本

作風奪炎熱弃捐篋笥中恩情中道絕

班孟堅

明堂詩

於鳥昭明堂明堂孔陽聖皇宗祀穆穆煌煌上帝宴

饗五位時序誰其配之世祖允武普天率土各以其

職猗歟緝熙允懷多福

辟雍詩

乃流辟雍辟雍湯湯商聖王莅止造舟為梁皤皤波

國老乃父乃兄抑抑威五臣作皇儀孝友允明於鳥赫太

上示我漢行洪化唯神未觀厥成

靈臺詩

乃經靈臺靈臺既崇帝勤時登爰考休徵三允宣精
五行布序習習祥風祁祁甘雨百穀蓊蓊庶草蕃繁

庶武屢惟豐年於皇樂胥悉與反

寶鼎詩

嶽修貢今川效珎吐金景今歆許妖浮雲寶鼎見今色

紛紜煥其炳今被龍文登祖廟今享聖神昭靈德兮

彌億年

白雉詩

啟靈篇今披瑞圖獲白雉今效素鳥嘉祥阜今集皇

都發皓羽今奮翹英容潔朗今於純精彰皇德今俾

周成未延長今膺天慶

張平子

四愁詩

張衡不樂久處機密陽嘉中出為河間相時國王

驕奢不遵法度又多豪右并兼之家衡下車治威

嚴能內察屬縣姦滑五臣本作奸猾行巧劫皆密知名下

吏收捕盡服擒諸豪俠遊客悉惶懼逃出境郡中

大治爭訟息獄無繫囚時天下漸敕鬱鬱不得志

為四愁詩五臣有依字屈原以美人為君子以珍寶為

仁義以水深雪雰為小人思以道術相報貽於時

君而懼讒邪不得以通其辭曰

一思曰我所思今在太山欲往從之梁父甫艱側身

東望涕霑翰平聲美人贈我金錯刀何以報之英瓊瑤

路遠莫致倚逍遙何為懷憂心煩勞

二思曰我所思今在桂林欲往從之湘水深側身南

望涕霑襟美人贈我金五臣作琴琅玕何以報之雙玉盤

路遠莫致倚惆悵何為懷憂心煩傷

三思曰我所思今在漢陽欲往從之隴阪長側身西

望涕霑裳美人贈我貂襜昌音褕何以報之明月珠

路遠莫致倚踟躕何為懷憂心煩紆

四思曰我所思今在鴈門欲往從之雪紛紛側身北

望涕霑巾美人贈我錦繡段何以報之青玉案路遠

莫致倚增歎何為懷憂心煩惋

古詩十九首

行行重行行與君生別離相去萬餘里各在天一涯

音宜道路阻且長會面安可知胡馬依北風越鳥巢南

枝相去日已遠衣帶日已緩浮雲蔽白日游子不顧

返思君令人老歲月忽已晚弃捐勿復道努力加餐

飯

青青河畔草鬱鬱園中柳盈盈樓上女皎皎當牖牖

娥娥紅粉粧

五臣作裝

織織出素手昔爲倡家女今爲蕩

子婦蕩子行不歸空牀難獨守

青青陵上栢磊磊礪中石人生天地間忽如遠行客

斗酒相娛樂聊厚不爲薄驅車策駑馬游戲宛平與

洛洛中何鬱鬱冠帶自相索

所格反

長衢羅夾巷王侯

多第宅兩宮遙相望雙闕百餘尺極宴娛心意戚戚

何所迫

今日良宴會歡樂難具陳彈箏奮逸響新聲妙入神

令德唱高言識曲聽其真齊心同所願含意俱未申

人生寄一世奄忽若飈塵何不策高足先據要路津

無爲守窮賤

五臣作坎

軻

賀苦長苦辛

西北有高樓上與浮雲齊交疏結綺牕阿閣三重階

上有絃歌聲音響一何悲誰能爲此曲無乃杞梁妻

清商隨風發中曲正徘徊一彈再三歎慷慨有餘哀

不惜歌者苦但傷知音稀願爲雙鳴鶴

五臣作鴻鳴

奮翅

起高飛

涉江采芙蓉蘭澤多芳草采之欲遺誰所思在遠道

還顧望舊鄉長路漫漫浩同心而離居憂傷以終老

明月皎夜光促織鳴東壁玉衡指孟冬衆星何歷歷

白露霑野草時節忽復易秋蟬鳴樹間玄鳥逝安適

昔我同門友高舉振六翮不念携手好棄我如遺跡
南箕北有斗牽牛不負軛鳥格反良無盤五臣作磐石固虛
名復何益

冉冉孤生竹結根泰山阿與君為新婚兔五臣作菟絲附

女蘿兔絲生有時夫婦會有宜千里遠結婚悠悠隔

山陂思君令人老軒車來何遲傷彼蕙蘭花含英揚

光輝過時而不采將隨秋草萎君亮執高節賤妾亦

何為

庭中五臣作前有奇樹綠葉發華滋攀條折其榮將以遺

所思馨香盈懷袖路遠莫致之此物何足賚善作貢但

感別經時

迢迢牽牛星皎皎河漢女織織擢素手扎扎弄機杼

終日不成章泣涕零如雨河漢清且淺相去復幾許

盈盈一水間脉脉不得語

迴車駕言邁悠悠涉長道四顧何茫茫東風搖百草

所遇無故物焉得不速老盛衰各有時立身苦不早

人生非金石豈能長壽考奄忽隨物化榮名以為寶

東城高且長逶迤自相屬迴風動地起秋草萋已綠

四時更變化歲暮一何速晨風懷苦心蟋蟀傷局促

蕩滌放情志何為自結束夔趙多佳人美者顏如玉

被服羅裳衣當戶理清曲音響一何悲絃急知柱促
馳情整巾善作中帶沈吟聊躑躅思為雙飛鷺啣泥巢
君屋

驅車上東門遙望郭北墓白楊何蕭蕭松柏夾廣路
下有陳死人杳杳即長暮潛窳黃泉下千載永不寤
浩浩陰陽移年命如朝露人生忽如寄壽無金石固
萬歲更相送聖賢莫能度服食求神仙多為藥所誤
不如飲美酒被服紈與素

去者日以五臣踈來善作生者日以五臣親出郭門直

視但見丘與墳古墓犁為田松柏摧為薪白楊多悲

風蕭蕭愁殺人思還故里閨欲歸道無因

生年不滿百常懷千歲憂晝短苦夜長何不秉燭遊

五臣為樂當及時何能待來茲愚者愛惜費但為後

世嗤仙善作小人王子喬難可與五臣等期

凜凜歲云暮螻婁蛄孤夕五臣鳴悲涼風率已厲游

子寒無衣錦衾遺洛浦同袍與我違獨宿累長夜夢

想見容輝良人惟古懽五臣枉駕惠前綏願得常巧

笑攜手同車歸既來不須更又不處重圍亮無晨風

翼焉能凌風飛眄眄以適意引領遙相睇徙倚懷感

傷垂涕霑雙扉

孟冬寒氣至北風何慘慄愁多知夜長仰觀衆星列
三五明月滿四五蟾善作兔缺客從遠方來遺我一
書札上言長相思下言久離別置書懷袖中三歲字
不滅一心抱區區懼君不識察

客從遠方來遺我一端綺相去萬餘里故人心尚爾
文采雙鴛鴦裁爲合歡被著以長相思緣以結不解
以膠投漆中誰能別離此

明月何皎皎照我羅床帷憂愁不能寐攬衣起徘徊
客行雖云樂不如早旋歸出戶獨彷徨愁思當告誰
引領還入房淚下霑裳衣

飲馬長城窟行

以下四首
俱古樂府

青青河畔

善作
邊

草絲絲思遠道遠道不可思夙

五臣
作宿

昔夢見之夢見在我傍忽覺在他鄉他鄉各異縣展
轉不可見枯桑知天風海水知天寒入門各自媚誰
肯相爲言客從遠方來遺我雙鯉魚呼童烹鯉魚中
有尺素書長跪讀素書書中竟何如上有加餐食下
有長相憶

君子行

君子防未然不處嫌疑間瓜田不納履李下不正冠
嫂叔不親授長幼不比肩勞謙得其柄和光甚獨難

周公下白屋吐哺不及餐一沐三握髮後世稱聖賢
傷歌行

昭昭素明月暉光燭我牀憂人不能寐耿耿夜何長
微風吹闥闥羅帷自飄颺攬衣曳長帶屣履下高堂
東西安所之徘徊以彷徨春鳥翻南飛翩翩獨翱翔
悲聲命儔匹哀鳴傷我腸感物懷所思泣涕忽霑裳
佇立吐高吟舒憤訴穹蒼

長歌行

青青園中葵朝露待_{善作}日晞陽春布德澤萬物生
光輝常恐秋節至焜_{胡本}黃華葉衰百川東到海何時

復西歸少壯不努力老大徒_{善作}傷悲

魏

曹孟德

短歌行

對酒當歌人生幾何譬如朝露去日苦多慨當以慷
憂思難忘何以解憂唯有杜康青青子衿悠悠我心
但爲君故沈吟至今呦呦_幽鹿鳴食野之苹_平我有
嘉賓鼓瑟吹笙明明如月何時可掇_{丁括}憂從中來不
可斷絕越陌度阡枉用相存契闊談讌心念舊恩月
明星稀烏鵲南飛繞樹三匝何枝可依山不厭高海

不厭深周公吐哺天下歸心

苦寒行

北上太行山艱哉何巍巍羊腸阪詰屈車輪為之摧
樹木何蕭索善作北風聲正悲熊羆對我蹲虎豹夾
路啼谿谷少人民雪落何霏霏延頸長歎息遠行多
所懷我心何怫佛鬱思欲一東歸水深橋梁絕中道
善作正徘徊迷惑失故路薄暮無五臣宿栖行行日
已遠人馬同時饑檐囊行取薪五臣斧冰持作糜悲
彼東山詩悠悠使我哀

曹子桓

善哉行

上山采薇薄暮苦饑谿谷多風霜露沾五臣衣野雉
群雉古猴猿相追還望故鄉鬱何壘壘高山有崖林
木有枝憂來無方人莫之知人生如寄多憂何為今
我不樂日善作月如馳湯湯傷川五臣流中有行舟
隨波轉薄有似客游策我良馬被我輕裘載馳載驅
聊以忘憂

芙蓉池作

乘輦夜行遊逍遙步西園雙渠相漑灌嘉木繞通川
早枝拂羽蓋脩條摩蒼天驚風扶輪轂飛鳥翔我前

丹霞夾明月華星出雲間上天垂光采五色一何鮮
壽命非松喬誰能得神仙遨遊快心意保已終百年

雜詩二首

漫漫秋夜長烈烈北風涼展轉不能寐披衣起彷徨
彷徨忽已久白露霑我裳俯視清水波仰看明月光
天漢廻西流三五正從橫草蟲鳴何悲孤鴈獨南翔
鬱鬱多悲五臣作愁思絲絲思故鄉願飛安得翼欲濟河
無梁向風長歎息斷絕我中腸

西北有浮雲亭亭如車蓋惜哉時不遇適與飄風會
吹我東南行行善作南行至吳會吳會非我鄉安能久

留滯棄置勿復陳客子常畏人

燕歌行

秋風蕭瑟天氣涼草木搖落露為霜群燕辭歸鴈南
翔念君客遊思斷腸慊慊苦思歸戀故鄉何為淹留
寄他方賤妾瑩瑩守空房憂來思君不敢忘不覺淚
下霑衣裳援琴鳴絃發清商短歌微吟不能長明月
皎皎照我牀星漢西流夜未央牽牛織女遙相望爾
獨何辜限河梁

曹子建

上責躬詩

於鳥穆顯考時惟武皇受命于天寧濟四方朱旗所

拂九土披攘如羊反玄化滂流荒服來王超商越周與

唐比蹤篤生我皇奕世載聰武則肅烈文則時雍受

禪于漢君臨萬邦萬邦既化率由舊則廣命懿親以

藩王國帝曰爾侯君茲青土奄有海濱方周于魯車

服有輝旗章有叙濟濟上聲俊乂我弼我輔伊余五臣作爾

小子恃寵驕盈舉掛善本作挂時綱動亂國經作藩作屏

上規先軌是隳許傲我皇使犯我朝儀國有典刑我削

我黜將寘于理元兇是率明明天子時惟篤類不忍

我刑暴之朝肆違彼執憲哀予小子改封兗邑于河

之濱股肱弗置有君無臣荒淫之闕誰弼予身榮榮

僕夫于彼冀方嗟予小子乃罹斯殃赫赫天子恩不

遺物冠去我玄冕平我朱紱光光大使我榮我華

剖符授玉善本作土王爵是加仰齒金璽俯執聖策皇恩

過隆祗承休揚咨五臣作啟我小子頑凶是嬰逝慙陵墓

存愧闕庭匪敢傲德寔恩是恃威靈改加足以沒齒

昊天罔極生命不圖常懼顛沛貝抱罪黃墟音盧願蒙

矢石建旗東嶽庶立毫釐微功自贖危軀授命知足

免戾甘赴江湘奮戈吳越天啟其衷得會京畿遲去

奉聖賢如渴如饑心之云慕愴矣其悲天高聽卑皇

肯照微

應詔詩

肅承明詔應會皇都星陳夙駕秣馬脂車命彼掌徒
 肅我征旅朝發鸞臺夕宿蘭渚茫茫原隰祁祁士女
 經彼公田樂我稷黍爰有樛居木重陰匪息雖有族
 糗飢不遑食望城不過百邑不游僕夫警策平路是
 由玄駟藹藹愛揚鑣游漂沫音味流風翼衡輕雲承
 蓋涉澗之濱緣山之隈遵彼河泚虎黃坂是階西濟
 關谷或降或升駢霏駘倦路載寢載興將朝聖皇匪
 敢晏寧弭節長驚指日遄舟征前驅舉燧後乘抗旌

輪不輟運鑿無廢聲爰暨帝室稅此西墉嘉詔未賜
 朝覲莫從仰瞻城闕俯惟闕庭長懷未慕憂心如醒

朔風詩

仰彼朔風用懷魏都願騁代馬倏忽北徂凱風永至
 思彼蠻方願隨越鳥翻飛南翔四氣代謝懸景運周
 別如俯仰脫若三秋昔我初遷朱華未希今我旋止
 素雪云飛俯降千仞仰登天阻風飄蓬飛載離寒暑
 千仞易陟天阻可越昔我同袍今未乖別子好芳草
 豈忘爾貽繁華將茂秋霜悴之君不垂眷豈云其誠
 秋蘭可喻桂樹冬榮絃歌蕩思誰與消憂臨川暮思

何爲泛舟豈無和樂游非我鄰誰忘泛舟愧無榜孟班
人

公譏詩

公子敬愛客終宴不知疲清夜游西園飛蓋相追隨
明月澄清景列宿正參差秋蘭被長坂朱華冒綠池
潛魚躍清波好鳥鳴高枝神飈必遙接丹轂輕輦隨風
移飄颻放志意千秋長若斯

送應氏詩二首

步登北芒坂遙望洛陽山洛陽何寂寞宮室盡燒焚
音垣垣牆皆頓擗關荆棘上參天不見舊耆老但覩新

少年側足無五臣行徑荒疇不復田遊子久不歸不

識陌與阡中野何蕭條千里無人煙念我平常五臣

居氣結不能言作生

清時難屢得嘉會不可常天地無終極人命若朝霜
願得展嬾婉我友之朔方親昵女乙切並集送置酒此

河陽中饋豈獨薄賓飲不盡觴愛至望苦深豈不愧
中腸山川阻且遠別促會日長願爲比翼鳥施翮起
高翔

三良詩

功名不可爲忠義我所安秦穆先下世三臣皆自殘

生時等榮樂既沒同憂患平聲誰言捐軀易殺身誠獨
難攬五臣作攬涕登君墓臨穴仰天歎平聲長夜何冥冥一
往不復還黃鳥爲悲鳴哀哉傷肺肝

七哀詩

明月照高樓流光正徘徊上有愁思婦悲歎有餘哀
借問歡者誰言是宥善作客子妻君行踰十年孤妾常
獨棲君若清路塵妾若濁水泥浮沉各異執會合何
時諧願爲西南風長逝入君懷君懷良不開賤妾當
何依

贈徐幹

驚風飄白日忽然歸西山圓景光未滿衆星繁以繁
志士營世業小人亦不閑聊且夜行游游彼雙闕間
文昌鬱雲興迎風高中天春鳩鳴飛棟流焱激樞軒
顧念蓬室士貧賤誠足憐薇藿弗充虛皮褐猶不全
慷慨有悲心興文自成篇寶棄怨何人和氏有其愆
彈冠俟知己知己誰不然良田無晚歲膏澤多豐年
亮懷璵璠美積久德逾宣親交義在敦申章復何言

贈丁儀

初秋涼氣發庭樹微銷落凝霜依玉除清風飄飛閣
朝雲不歸山霖雨成川澤黍稷委疇隴農夫安所獲

在貴多忘賤爲恩誰能博狐白足禦冬焉念無衣客
思慕延陵子寶劍非所惜子其寧爾心親交義不薄

贈王粲

端坐苦愁思攬衣起西游樹木發春華清池激長流
中有孤鴛鴦哀鳴求匹儔我願執此鳥惜哉無輕舟
欲歸忘故道顧望但懷愁悲風鳴我側羲和逝不留
重陰潤萬物何懼澤不周誰令君多念自五臣使懷
百憂

又贈丁儀王粲

從軍度函谷驅馬過西京山岑

五臣

高無極涇渭揚

濁清壯哉帝王居住麗殊百城負闕出浮雲承露槩

泰

五臣

清皇佐揚天惠四海無交兵權家雖愛勝全

國爲令名君子在末位不能歌德聲丁生怨在朝王
子歡自營歡怨非貞則中和誠可經

贈白馬王彪

謁帝承明廬逝將歸舊疆清晨發皇邑日夕過首陽
伊洛廣且深欲濟川無梁汎舟越洪濤怨彼東路長

顧瞻戀城闕引領情內傷

其一

大

善作

谷何寥廓山

樹鬱蒼蒼霖雨泥我塗流潦浩縱橫中逵絕無軌改

轍登高岡脩坂

五臣

造雲日我馬玄以黃

其二

玄黃

猶能進我思鬱以紆鬱紆將何念親愛在離居本圖
相與偕中更不克俱鳴臬鳴衡柅豺狼當路衢蒼蠅

間白黑讒巧令親踈欲還絕無蹊攬轡止踟蹰

其三

踟蹰亦何

善本
作可

留相思無終極秋風發微涼寒蟬鳴

我側原野何蕭條白日忽西匿歸鳥赴喬林翩翩厲
羽翼孤獸走索群銜草不遑食感物傷我懷撫心長

太息

其四

太息將何爲天命與我違奈何念同生一

往行不歸孤魂翔故域

善本
城

靈柩寄京師存者忽復

過亾沒身自衰人生處一世去若朝露晞年在桑榆

間影響不能追自顧非金石咄丁嗒子令心悲

其五

心悲動我神棄置莫復陳丈夫志四海萬里猶比鄰

恩愛苟不虧在遠分日親何必同衾幃

疇

然後展殷

勤憂思成疾亦無乃兒女仁倉卒骨肉情能不懷苦

辛

其六

苦辛何慮思天命信可疑虛無求列仙松子

久吾欺變故在須臾丁年誰能持離別丁無會執手

將何時王其愛玉體俱享黃髮期收淚丁長路援筆

從此辭

其七

贈丁翼

嘉賓填城闕豐膳出中厨吾與二三子曲宴此城隅
秦箏發西氣齊瑟揚東謳有來不虛歸觴至反無餘

我豈狎異人朋友與我俱大國多良材譬海出明珠
君子義休侍五臣作侍小人德無儲積善有餘慶榮枯立
可須滔蕩固大節時俗多所拘君子通大道無願爲
世儒

雜詩六首

高臺多悲風朝日照北林之子在萬里江湖迥且深
方舟安可極離思故難任孤鴈飛南遊過庭長哀吟
翹思慕遠人願欲託遺音形影忽不見翩翩傷我心
轉蓬離本根飄颻隨長風何意迴飈舉吹我入雲中
高高上無極天路安可窮類此游客子捐軀遠從戎
毛褐不掩形薇藿常不充去去莫復道沉憂令人老
西北有織婦綺縞何繽紛明晨秉機杼日昃不成文
太息終長夜悲嘯入青雲妾身守空閨良人行從軍
自期三年歸今已歷九春飛鳥繞樹翔嗷嗷叫鳴索
群願爲南流景馳光見我君

南國有佳人容華若桃李朝游江北岸夕宿瀟湘汜
時俗薄朱顏誰爲發皓齒俛五臣作俯仰歲將暮榮耀難
久恃

僕夫早嚴駕吾將遠行游遠游欲何之吳國爲我仇
將騁萬里塗東路安足由江介多悲風淮泗馳急流

願欲一輕濟惜哉無方舟閑居非吾志甘心赴國憂
飛觀百餘尺臨牖御五臣作仰櫺軒遠望周千里朝夕見
平原烈士多悲心小人媮五臣作偷自閑國讐亮不塞其
心思喪元拊劔西南望思欲赴泰山絃急悲聲發聆
我慷慨言

情詩

微陰翳陽景清風飄我衣游魚潛綠水翔鳥薄天飛
眇眇客行士遙役不得歸始出嚴霜結今來白露晞
游子歎黍離處者歌式微慷慨對嘉賓悽愴內傷悲

箜篌引

以下四首
俱樂府

置酒高殿上親友從我游中厨辦豐膳烹羊宰肥牛
秦箏何慷慨齊瑟和且柔陽阿奏奇舞京洛出名謳
樂飲過三爵緩帶傾庶羞主稱千金壽賓奉萬年酬
久要不可忘薄終義所尤謙謙君子德磬折欲何求
驚風飄白日光景馳西流盛時不可再百年忽我道
生在五臣作存華屋處零落歸山丘先民誰不死知命復
善作亦何憂

名都篇

名都多妖女京洛出少年寶劔直千金被服麗善作光
且鮮闔雞東郊道走馬長楸間馳騁未能半雙兔過

我前攬弓捷鳴鏑長驅上南山左挽因右發一縱兩
禽連餘巧未及展仰手接飛鳶觀者咸稱善衆工歸
我妍歸來宴平樂美酒斗十千膾鯉膾子胎鰕炮善作
寒鼈炙熊蹯音煩鳴儔嘯匹侶列坐竟長筵連翩擊鞠
壤巧捷惟萬端白日西南馳光景不可攀雲散還城
邑清晨復來還

美女篇

美女妖且閑采桑岐路間柔條紛冉冉葉落何翩翩
攘袖見素手皓腕約金環頭上金爵釵腰佩翠琅玕
明珠交玉體珊瑚間木難羅衣何飄飄輕裾隨風還
顧盼遺光采長嘯氣若蘭行徒用息駕休者以忘餐
借問女安居乃在城南端青樓臨大路高門結重關
容華耀朝日誰不希今顏媒氏何所營玉帛不時安
佳人慕高義求賢良獨難衆人徒善作嗷嗷安知彼
所觀盛年處房室中夜起長歎

白馬篇

白馬飾金羈連翩西北馳借問誰家子幽并遊俠兒
少小去鄉邑揚聲沙漠垂宿昔秉良弓楛戶矢何參
差控弦破左的右發摧月支仰手接飛猱俯身散馬
蹄狡捷過猴猿勇剽匹若豹螭勅邊城多警急虜騎

數遷移羽檄從北來厲馬登高堤長驅蹈匈奴左顧
陵鮮卑棄身鋒刃端性命安可懷父母且不顧何言
子與妻名編五臣壯士籍不得中顧私捐軀赴國難
視死忽如歸

王仲宣

贈蔡子篤詩

翼翼飛鸞載飛載東我友云徂言矣舊邦舫舟翩翩
以泝大江蔚矣荒塗時行靡通慨我懷慕君子所同
悠悠世路亂離多阻濟岱江行五臣邈焉異處風流
雲散一別如雨人生實難願其弗與瞻望遐路允企

伊佇烈烈冬日肅肅淒風潛鱗在淵歸鴈載軒苟非
鴻鵬孰能飛翻雖則追五臣慕予思罔宣瞻望東路
慘愴增歎率彼江流爰逝靡期君子信誓不遷于時
及子同寮生死固之何以贈行言授斯詩中心孔悼
涕淚漣洏嗟爾君子如何勿思

贈士孫文始

天降喪亂靡國不夷我暨其我友自彼京師宗守盪
矢越用遁違遷于荆楚在漳之湄在漳之湄亦克宴
處五臣和通篋直墳喧比德車輔既度禮義卒獲笑
語庶茲末日無讟厥緒雖日無讟時不我已同心離

事乃有逝止橫此大江淹彼南汜我思弗及載坐載
起惟彼南汜君子居之悠悠我心薄言慕之人亦有
言靡詰五臣作哲不思矧伊嫵婉胡不悽而晨風夕逝託
與之期瞻仰王室慨其未歎良人在外誰佐天官四
國方徂俾爾歸藩爾之歸藩作式下國無日變裔不
虔汝德慎爾所主率由嘉則龍雖勿用志亦靡忒悠
悠澹澹鬱彼唐林雖則同域邈其迥深白駒遠志古
人所箴允矣君子不遐厥心既往既來無密爾音

贈文叔良

翩翩者鴻率彼江濱君子于征爰聘西隣臨此洪渚

伊思梁岷爾行孔邈如何勿勤君子敬始慎爾所主

謀言必賢

五臣作真錯路說稅

申輔延陵有作僞盼是與

先民遺跡來世之矩既慎爾主亦迪知幾探情以華
覩著知微視明聰聰靡事不惟董褐荷名胡寧不師
衆不可益無尚我言梧宮致辯齊楚構患平聲成功有
要在衆思歎人之多忌掩之實難瞻彼黑水滔滔其
流江漢有卷允來厥休二邦若否職汝之由緬彼行
人鮮克弗留尚哉君子異于他仇人誰不勤無厚我
憂惟詩作贈敢詠在舟

公讌詩

吳天降豐澤百卉挺葳蕤涼風撤蒸暑清雲却炎暉
高會君子堂並坐蔭華棖衰嘉肴充圓方旨酒盈金
壘管絃發徽音曲度清且悲合坐同所樂但愬素盃
行遲常聞詩人語不醉且無歸今日不極歎含情欲
待誰見眷良不翅守分豈能違古人有遺言君子福
所綏願我賢主人與天享巍巍克符周公業奕世不
可追

詠史詩

自古無殉死達人所共知秦穆殺三良惜哉空爾為
結髮事明君受恩良不訾臨沒要平之歿焉得不相

隨妻子當門泣兄弟哭路垂臨穴呼蒼天涕下如綆
古縻美人生各有志終不為此移同知埋身劇心亦
有所施生為百夫雄死為壯士規黃鳥作悲詩至今
聲不虧

七哀詩二首

西京亂無象豺虎方遘患還復棄中國去遠身適荆
蠻親戚對我悲朋友相追攀出門無所見白骨蔽平
原路有饑婦人抱子棄草間顧聞號泣聲揮涕獨不
還未知身死處何能兩相完驅馬棄之去不忍聽此
言南登霸陵岸回首望長安悟彼下泉人喟然傷心

肝

荆蠻非我鄉何為久滯滂
方舟遡大江日暮愁我心
山岡有餘暎五臣作映巖阿增重陰
狐狸馳赴穴飛鳥翔
故林流波激清響後猴臨岸吟
迅風拂裳袂白露霑
衣襟獨夜不能寐攝衣起撫琴
絲桐感人情為我發
悲音羈旅無終極憂思壯難任

從軍詩五首

從軍有苦樂但問所從誰
所從神且武焉得久勞師
相公征關右赫怒震天威
一舉滅獯虜再舉服羌夷
西收邊地賊忽若俯拾遺
陳賞越丘山酒肉踰川坻

軍中

善本作人

多飶饒人馬皆溢肥
徒行兼乘還空出有

餘資拓地三千里往返速若飛
歌舞入鄴城所願獲

無違晝

善作晝

日處大朝日暮薄言歸
外參時明政內

不廢家私禽獸憚為犧
良苗實已揮竊慕負鼎翁願
厲朽鈍姿不能效沮溺
相隨把鋤犁熟覽夫子詩信
知所言非

涼風厲秋節司典告詳刑
我君順時發桓桓東南征
汎舟蓋長川陳卒被隰垆
征夫懷親戚誰能無戀情
拊襟倚舟檣眷眷思鄴城
哀彼東山人喟然感鸛鳴
日月不安處人誰獲恒
善作常寧昔人從公旦一徂輒

三齡今我神武師暫五臣往必速平弃余親睦恩輸

力竭忠貞懼無一夫用報我素餐誠夙夜自併普性

思逝若抽縈將秉先登羽豈敢聽金聲

從軍征遐路討彼東南夷方舟順廣川薄暮未安坻

白日半西山桑梓有餘暉蟋蟀夾岸鳴孤鳥翩翩飛

征夫心多五臣懷悽善本愴今吾悲下船登高防草

露霑我衣迴身赴牀寢此愁當告誰身服干戈事豈

得五臣念所私即戎有授命茲理不可違

朝發鄴都橋暮濟白馬津逍遙河堤上左右望我軍

連舫踰萬艘帶甲千萬人率彼東南路將定一舉勲

籌策運帷幄一由我聖君恨我無時謀譬諸具官臣

鞠躬中堅內微晝無所陳許歷為完士一言猶善作

敗秦我有素餐責誠愧伐檀人雖無鈇刀用庶幾奮

薄身

悠悠涉荒路靡靡我心愁四望無煙火但見林與丘

城郭生榛棘蹊徑無所由桓蒲竟廣澤葭葦夾長

流日夕涼風發翩翩漂吾舟寒蟬在樹鳴鸛鵠摩天

游客子多悲傷淚下不可收朝入譙郡界曠然消人

憂鷄鳴達四境黍稷盈原疇館宅充鄜里士女滿莊

廛五臣自非賢聖國誰能享斯休詩人羨樂土雖

客猶願留

雜詩

日暮游西園冀寫憂思情曲池揚素波列樹敷丹榮
上有特棲鳥懷春向我鳴褰袵欲從之路險不得征
徘徊不能去佇立望爾形風飈五臣作飄揚塵起白日忽
已冥迴身入空房託夢通精誠人欲天不違何懼不
合并

劉公幹

公譏詩

未日行游戲歡樂猶未央遺思在玄夜相與復翱翔

輦車飛素蓋從者盈路傍月出照園中珍木鬱蒼蒼
清川過石渠流波為魚防芙蓉散其華齒苴溢金塘
靈鳥宿水裔仁獸游飛梁華館寄流波豁達來風涼
生平五臣作年未始聞歌之安能詳投翰長歎息綺麗不
可忘

贈五官中郎將四首

昔我從元后整駕至南鄉過彼豐沛都與君共翱翔

四節相推斥季冬風且涼衆兵會廣坐明鐙五臣作燈熺

火其切炎光清歌製妙聲萬舞在中堂金壘魯迴切含甘

醴羽觴行無方長夜忘歸來聊且為大康四牡向路

馳歡悅誠未央

余嬰沈痼疾竄身清漳濱自夏涉玄冬彌曠十餘旬
常恐游岱宗不復見故人所親一何篤步趾慰我身
清談同日夕情盼叙憂勤便復爲別辭游車歸西隣
素葉隨風起廣路揚埃塵逝者如流水哀此遂離分
追問何時會要我以陽春望慕結不解貽爾新詩文
勉哉修令德北面自寵珍

愁日多悲懷感慨以長歎

平終夜不遑寐叙意於濡

翰明鐙

五臣作燈

曜闈中清風淒已寒白露塗前庭應門

重其關四節相推斥歲月忽欲殫壯士遠出征戎事

將獨難涕泣灑衣裳能不懷所歡

涼風吹沙礫霜氣何皚皚明月照緹幕華燈散炎輝

賦詩連篇章極夜不知歸君侯多壯思文雅縱橫飛

小臣信頑魯

善作鹵

僂俛安能追

贈徐幹

誰謂相去遠隔此西掖垣拘限清切禁中情無由宣

思子沉心曲長歎不能言起坐失次第一日三四遷

步出北寺門遙望西苑園細柳夾道生方塘含清源

輕葉隨風轉飛鳥何翻翻乖人易感動涕

五臣作淚

下與

衿連仰視白日光皦皦高且懸兼燭八紘內物類無

頗偏我獨抱深感不得與比焉

贈從弟三首

汎汎東流水磷磷平水中石蘋藻生其涯華葉紛擾
溺采之薦宗廟可以羞嘉客豈無園中葵懿此出深
澤

亭亭山上松瑟瑟谷中風風聲一何盛松枝一何勁
冰霜正慘悽終歲常端正豈不罹凝寒松柏有本性
鳳皇集南嶽徘徊孤竹根於心有不厭奮翅凌紫氛
豈不常勤苦羞與黃雀羣何時當來儀將須聖明君

雜詩

職事煩

善作相

填委文墨紛消散馳翰未暇食日昃不

知晏沈迷簿令書回回自昏亂釋此出西城登高且
游觀方塘含白水中有鳧與鴈安得蕭蕭羽從爾游

波瀾

去聲

應德璉

侍五官中郎將建章臺集詩

朝鴈鳴雲中音響一何哀問子游何鄉戢側立翼正徘

徊言我塞

善作寒

門來將就衡陽棲往春翔北土今冬

客南淮遠行蒙霜雪毛羽日摧頽常恐傷肌骨身隕

沈黃泥簡珠墮

五臣作隨

沙石何能中自諧欲因雲雨會

濯翼陵高梯良遇不可值伸眉路何階公子敬愛客
樂飲不知疲和顏旣以暢乃肯顧細微贈詩見存慰
小子非所宜爲此極歡情不醉其無歸凡百敬爾位
以副飢渴懷

應休連

百一詩

下流不可處君子慎厥初名高不宿著易用受侵誣
前者隳官去有人適我閭田家無所有酌醴焚枯魚
問我何功德三入承明廬所占_切之鹽於此土是謂仁
智居文章不經國筐篋無尺書用等稱才學往往見

歎譽_平避席跪自陳賤子實空虛宋人遇周客慙愧
靡所如



